

Давлат субсидиялари ажратишнинг тартиби ва шартлари тўғрисида Низом

1. Ушбу Низом қонун ҳужжатларига мувофиқ ишлаб чиқилган.
2. Ушбу Низом нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтларига давлат субсидияларини ажратиш тартиби ва шартларини белгилайди.
3. Давлат субсидиялари қонун ҳужжатларида белгиланган тартибда давлат рўйхатидан ўтказилган ва юридик шахс бўлиб ҳисобланадиган нодавлат нотижорат ташкилотлари, оммавий ахборот воситалари ва фуқаролик жамиятининг бошқа институтларига (бундан буён матнда фуқаролик жамияти институтлари деб юритилади) устав (низом)ларида белгиланган мақсад ва вазифаларни бажариш, моддий-техника базасини мустаҳкамлаш ҳамда ижтимоий фойдали мақсадларга эришиш учун Парламент комиссияси қарорига асосан берилади.
4. Ушбу Низом Парламент комиссияси қарори билан тасдиқланади, унинг талаблари давлат субсидияси олишга талабгор барча фуқаролик жамияти институтлари учун мажбурийдир.

II. Давлат субсидиялари маблағларини шакллантириш

5. Давлат субсидиялари учун маблағлар Ўзбекистон Республикасининг Давлат бюджети, давлат мақсадли жамғармалари ҳамда қонунда белгиланган бошқа манбалар ҳисобидан шакллантирилади.
6. Давлат субсидиялари маблағлари ҳажми, Ўзбекистон Республикасининг макроиқтисодий кўрсаткичлар прогнози ҳамда Ўзбекистон Республикаси Давлат бюджетининг асосий параметрларини тайёрлаш, муҳокама қилиш ва тасдиқлаш муддатларида Парламент комиссиясининг тақдимномасига биноан белгиланади.
7. Фуқаролик жамияти институтлари келгуси молия йилида қўллаб-қувватлаш талаб этиладиган фаолиятининг устувор йўналишларини, ўтказиладиган тадбирлар, шу жумладан хорижий ҳамкорлар билан ўтказиладиган тадбирлар сони, уларнинг мақсад ва вазифаларини, девонларини таъминлаш, моддий-техник базасини мустаҳкамлаш ва бошқа харажатларини аниқлаб, давлат субсидияси бериш тўғрисида жорий молия йилининг 1 июнга қадар Олий Мажлис ҳузуридаги жамоат фондига буюртмалар юборади.
8. Буюртманинг намунавий шакли ушбу Низомнинг 1-иловасига мувофиқ тасдиқланади. Буюртмада талабгор фаолиятининг устувор йўналишлари, вазифалари ва мақсадлари, таъсисчилар томонидан тасдиқланган иш режаларининг кўчирма нусхалари, давлат субсидияси талабгорининг жалб қиладиган маблағлари манбалари ва миқдорлари аниқ кўрсатилади.
9. Олий Мажлис ҳузуридаги жамоат фонди Ижро девони келиб тушган буюртмаларни жорий молия йилининг 15 июнига қадар умумлаштиради.
10. Умумлаштирилган буюртмалар жорий молия йилининг 1 июлигача бўлган муддатда Парламент комиссияси томонидан ўрганиб чиқилади.
11. Парламент комиссияси ўрганиб чиқиш натижаларини ўз йиғилишида муҳокама қилади, давлат субсидияси ажратишнинг устувор йўналишлари, уларга ажратиладиган маблағлар ҳажмларининг прогноз кўрсаткичлари ҳамда бюджет сўровномасини ишлаб чиқиш тўғрисида қарор қабул қилади.
12. Парламент комиссиясида Ўзбекистон Республикаси Давлат бюджетидан маблағлар ажратиш тўғрисидаги бюджет сўровномаси тасдиқлангандан сўнг, лекин 15 июлдан кечиктирмасдан Олий Мажлис ҳузуридаги жамоат фонди Ўзбекистон Республикаси Вазирлар Маҳкамасига бюджет сўровномасини киритади.
13. Ўзбекистон Республикаси Давлат бюджети параметрлари лойиҳасига давлат субсидияси маблағларини киритиш, бюджетдан ажратиладиган маблағлар ҳажмларини кўриб чиқиш ҳамда тасдиқлаш қонун ҳужжатларида белгиланган тартибда амалга оширилади.

14. Давлат субсидиясига ажратилган маблағлари Олий Мажлис ҳузуридаги жамоат фондида жамланади.

III. Давлат субсидияси маблағларининг тақсимланиши

16. Парламент комиссияси Олий Мажлис ҳузуридаги жамоат фондидан фуқаролик жамияти институтларига давлат субсидиялари шаклида маблағларни тақсимлайди.

17. Олий Мажлис ҳузуридаги жамоат фонди йил чоракларига тақсимланган ҳолда давлат субсидияси шаклида қўллаб-қувватлаш ҳажмига мос равишда бир йилга мўлжалланган даромадлар ва харажатлар сметасини ушбу Низомнинг 2-иловасида кўрсатилган шаклда ишлаб чиқади.

18. Олий Мажлис ҳузуридаги Жамоат фондининг даромадлар ва харажатлар сметаси Парламент комиссияси йиғилишида кўриб чиқиб тасдиқланади.

IV. Давлат субсидияси ажратиш учун ҳужжатларни тақдим қилиш

19. Фуқаролик жамияти институтлари Ўзбекистон Республикаси Олий Мажлиси ҳузуридаги жамоат фондига қуйидаги ҳужжатларни тақдим этади:

– давлат субсидияси ажратиш талабгорлик буюртмаси юборилаётганлиги тўғрисидаги йўлланма мурожаат (кузатув) хати;

– ушбу Низом 3-иловасида тасдиқланган шаклда ижтимоий фойдали мақсадларга эришишга қаратилган буюртма лойиҳаси;

– охириги ўзгартиш ва қўшимчалар билан рўйхатга олинган, ҳар бир вароғи талабгор муҳри билан тасдиқланган устав (низом)нинг ва давлат рўйхатидан ўтказилганлиги ҳақидаги гувоҳноманинг кўчирма нусхалари;

– талабгорнинг муҳри билан тасдиқланган солиқ тўловчи сифатида давлат солиқ хизмати ҳамда статистика органларида ҳисобга олинганлиги тўғрисидаги маълумотномаларининг кўчирма нусхалари;

– талабгорга банк муассасаси томонидан берилган банк реквизитлари тўғрисидаги маълумотнома;

– давлат субсидияси доирасида лицензияланадиган фаолият турлари билан шуғуланишга тўғри келса, талабгорнинг муҳри билан тасдиқланган лицензиянинг кўчирма нусха;

– талабгорнинг тасдиқланган штат жадвалидан кўчирма нусха;

– талабгорнинг ўз маблағлари, ҳомийлик маблағлари ва бошқа манбалардан олиниши кутилаётган маблағлар ҳажми тўғрисида раҳбар ва бош ҳисобчи имзоси ҳамда муҳри билан тасдиқланган маълумотнома;

– давлат субсидияси ишлатилиши бўйича умумий даромадлар ва харажатлар сметаси ҳамда харажатлар сметасининг бандлари бўйича ёйилмаси.

Юборилаётган барча ҳужжатлар юқоридаги кетма-кетликда ва рўйхат асосида тикилиб, энг устки қисмига йўлланма мурожаат (кузатув) хати орқали тақдим этилади.

20. Қуйидаги фуқаролик жамияти институтларига давлат субсидиялари ажратилмайди:

– тугатилаётган, тугатиш жараёни ниҳоясига етказилмаган ёки ташкил этиш жараёни тамомланмаган;

– давлат субсидияси ажратиш учун барча зарур ҳужжатларни белгиланган тартибда ва муддатда тақдим этмаган;

– илгари давлат гранти ҳисобига амалга оширган лойиҳалари бўйича қабул қилинган мажбуриятларни лозим даражада бажармаган ҳамда Олий Мажлис ҳузуридаги жамоат фондидан қарздорлиги мавжуд бўлган;

– ўз устав (низом)идаги мақсад ва вазифаларини хорижий давлатларнинг, халқаро ташкилотларнинг ва бошқа донорларнинг маблағлари ҳисобига амалга ошираётган;

– ушбу Низомда кўрсатилган талабларни бузган.

21. Ушбу Низом талабларига ва шартларига риоя қилмаган ҳолатларда топширилган ҳужжатлар кўриб чиқмасдан қолдирилади.

22. Талабгорга давлат субсидияси ажратилмаса унинг тақдим қилган ҳужжатлари қайтарилмайди.

V. Буюртманомаларни ва талабнома лойиҳаларни ҳисобга олиш ва ҳисоботини юритиш

23. Олий Мажлис ҳузуридаги жамоат фондининг Ижро этувчи девони йилнинг 15 майгача талабгорларнинг келгуси молия йилида давлат субсидияси ажратиш тўғрисидаги буюртмаларини қабул қилади. Мазкур муддатдан кейин буюртмалар қабул қилинмайди.

Давлат субсидияси ажратиш тўғрисидаги буюртмаларнинг ҳисоби ва ҳисоботи Олий Мажлис ҳузуридаги жамоат фонди ижро этувчи девонида мазкур Низомда белгиланган тартибда амалга оширилади.

24. Давлат субсидиясига талабгорларнинг буюртмалари 1-намуна шаклида Олий Мажлис ҳузуридаги жамоат фондининг Ижро этувчи девонида варақлари рақамланган ва тикилган махсус дафтарда рўйхатга олинади.

25. Олий Мажлис ҳузуридаги жамоат фондининг Ижро этувчи девони томонидан дафтарда рўйхатга олинган талабгорларнинг давлат субсидияси ажратиш тўғрисидаги буюртмаси Парламент комиссиясига рўйхатга олиш дафтарига имзо қўйдириш орқали топширилади. Рўйхатга олиш дафтари Олий Мажлис ҳузуридаги жамоат фондида сақланади.

26. Ўзбекистон Республикаси Олий Мажлиси ҳузуридаги жамоат фондининг Ижро этувчи девонида давлат субсидияси буюртмаларининг (аризаларининг), Қорақалпоғистон Республикаси, Тошкент шаҳри ва вилоятлар кесимидаги статистик ҳисоби ва ҳисоботи юритилади.

VI. Буюртманомаларни кўриб чиқиш, саралаш ва танлаш, ижтимоий фойдали мақсадларини аниқлаш мезонлари

27. Фуқаролик жамияти институтларининг давлат субсидияси ажратиш тўғрисидаги буюртмалари Парламент комиссиясининг тегишли Ишчи гуруҳи томонидан ошқора кўриб чиқилади, сараланади, танланади, уларнинг ижтимоий фойдали мақсадлари аниқланади.

Ишчи гуруҳ тавсиялари бир марталик тусга эга бўлиб, уларнинг хулосалари Олий Мажлис ҳузуридаги жамоат фондига буюртмаларни молиялаштириш учун асос бўла олмайди.

28. Парламент комиссияси:

- талабгор юридик шахс мақомига эгаллигини;
- ресурс базасининг мавжудлигини;
- йиллик иш режасидаги ижтимоий фойдали мақсаднинг аҳамияти, маълумотларнинг асослилиги ва ҳаққонийлигини;
- буюртма бюджетининг асосланганлиги, ҳаққонийлиги ва бошқа шу каби мезонлар тизими асосида кўриб чиқади.

29. Қайд этилган мезонлар асосида талабгор ўз буюртмасини мустақил баҳолаши ва унинг натижаларини тақдим этиши мумкин.

30. Парламент комиссияси ўз йиғилишларида давлат субсидияси буюртмаларини ўрганиб чиқиш яқунлари ҳамда таклифларини эшитиб, муҳокама қилади.

31. Давлат субсидиясини ажратиш Парламент комиссиясининг йиғилиш баённомаси билан расмийлаштирилади ва қарори билан тасдиқланади. Давлат субсидияси шаклида молиялаштириш учун Олий Мажлис ҳузуридаги жамоат фондининг Ижро этувчи девонига Парламент комиссиясининг қарори ижро учун юборилади. Олий Мажлис ҳузуридаги жамоат фонди Ижро этувчи девони қарор ижросини таъминлаши шарт.

32. Давлат субсидияси ажратиш учун фақатгина Парламент комиссиясининг давлат субсидияси шаклида молиялаштириш тўғрисидаги қарори ҳамда буюртма ҳуқуқий асос бўлади.

VII. Давлат субсидияси шаклида молиялаштириш, давлат субсидиясини амалга ошириш, натижалари ҳисоби ва ҳисоботини юритиш

33. Парламент комиссияси, аъзоларнинг таклифи, тавсиялари ва эътирозлари асосида буюртмаларни кўшимча тарзда ўрганиб чиқиши мумкин. Кўшимча ўрганиш юзасидан Парламент комиссияси ўз қарорини қабул қилади ҳамда ўрганишнинг асосий йўналишларини белгилаб беради.

34. Олий Мажлис ҳузуридаги жамоат фонди ижро этувчи девони Парламент комиссиясининг қарор нусхаси келиб тушган кундан эътиборан:

- 3 иш кунида давлат субсидияси олувчиларнинг рўйхатини Фонднинг расмий веб-сайтида жойлаштирилади;

– 15 иш кунида давлат субсидияси маблағини ажратиш тўғрисидаги икки томонлама шартнома лойиҳасини тайёрлайди;

– давлат субсидияси ажратиш тўғрисидаги икки томонлама шартнома имзолангандан кейин 10 иш кунида молиялаштиришни амалга оширади.

Давлат субсидияси маблағини ажратиш шартномасининг шакли ушбу Низомнинг 4-иловасига мувофиқ тасдиқланади.

35. Парламент комиссияси ва Олий Мажлис ҳузуридаги жамоат фондининг ваколатлари:

– давлат субсидияси амалга ошириш жараёнини бевосита ва билвосита усуллар билан мониторинг қилиб бориш;

– давлат субсидияси доирасидаги йиллик иш режани амалга ошириш жараёнида ўтказилган тадбирларнинг, бажарилган ишларнинг, кўрсатилган хизматларнинг молиявий маблағлари манбаси сифатида Олий Мажлис ҳузуридаги Жамоат фонди ва Парламент комиссияси номини қайд этишни талаб қилиш;

– давлат субсидияси олувчи тугатилиш жараёнида бўлган ҳолатларда давлат субсидияси маблағларини қайтариб олиш чораларини кўриш;

– давлат субсидияси маблағлари ҳисобидан сотиб олинган товар-моддий бойликлар, жиҳозлар ва бошқа ускуналарнинг сақланишини текшириш ва инвентаризация қилиш;

– давлат субсидияси маблағлари ҳисобига сотиб олинган товар-моддий бойликлар ва жиҳозларга етказилиши мумкин бўлган ҳар қандай зарарларни олдини олишга ҳамда уларнинг бус-бутун сақланишига қаратилган давлат субсидияси олувчининг мажбуриятини бажарилишини назорат қилиб бориш;

– давлат субсидияси доирасида амалга оширилган ишларни ва эришилган ютуқларни кенг тарғиб этиш;

– давлат субсидияси олувчининг учинчи шахслар ҳамда Ўзбекистон Республикаси Давлат бюджети олдидаги мажбуриятлари ҳамда назарда тутилган фаолияти бўйича тегишли махсус рухсатнома (лицензия) олиши билан боғлиқ жавобгарликни ўз зиммасига олмаслик;

– белгиланган давлат субсидияси маблағларидан ташқари ҳар қандай мақсадлар учун қўшимча қўллаб-қувватлаш мажбуриятини олмаслик;

– давлат субсидияси ишлатилишининг якуний ҳисоботларига кўра, ишлатилмай қолган, ортиқча ёки мақсадсиз сарфланган деб топилган маблағларни қайтариб олиш чораларини кўриш.

36. Давлат субсидияси олувчи давлат субсидиясини амалга ошириш муддатини узайтириши мумкин эмас.

37. Амалга ошириш муддати тугаган давлат субсидияси ҳужжатлари варақланиб, тикилиб Олий Мажлис ҳузуридаги жамоат фонди архивига топширилади. Ҳужжатлар архивда 5 йил муддат сақланади.

Давлат субсидиясини ажратиш схемаси

I. Давлат субсидияси учун маблағларни шакллантириш ва тасдиқлаш

<p>Фуқаролик жамияти институтларининг бирлашма ва уюшмалари устав фаолиятининг келгуси молия йилидаги устувор йўналишларини белгилайди ҳамда келгуси молия йили учун давлат субсидияси бериш тўғрисида жорий молия йилининг 1 июнга қадар Ўзбекистон Республикаси Олий Мажлис ҳузуридаги жамоат фондига ёзма буюртмалар юборади.</p>	
<p>Ўзбекистон Республикаси Олий Мажлиси ҳузуридаги Жамоат фонди талабномаларни ўрганиб, (15 июнга қадар) Парламент комиссияси кўриб чиқиши учун киритади.</p>	
<p>Парламент комиссияси давлат субсидияси ажратишнинг устувор йўналишлари, субсидияларнинг девонлари харажатлари, уларнинг моддий-техник базасини мустаҳкамлаш ва ижтимоий фойдали мақсадларга эришиш бўйича режаларини умумлаштиради, ажратиладиган маблағлар ҳажмлари борасида бюджет сўровномасини шакллантиради ва 15 июлга қадар Ўзбекистон Республикаси Вазирлар Маҳкамасига юборади.</p>	
<p>Ўзбекистон Республикаси Вазирлар Маҳкамаси давлат субсидиялари ажратиш учун таклифлар юзасидан бюджет сўровномаларини кўриб чиқиб, Ўзбекистон Республикаси Олий Мажлиси палаталарининг киритиладиган Ўзбекистон Республикаси Давлат бюджети лойиҳасига тегишли маблағлар ҳажмини киритади.</p>	
<p>Ўзбекистон Республикаси Олий Мажлиси палаталари Ўзбекистон Республикаси Давлат бюджети параметрларини тасдиқлаётганда Парламент комиссиясининг давлат субсидияларига маблағлар ажратиш тўғрисидаги таклифини кўриб чиқади «Нодавлат ноижорат ташкилотлари, оммавий ахборот воситалари ва фуқаролик жамиятининг бошқа институтларини давлат томонидан қўллаб-қувватлаш харажатлар» алоҳида бандида маблағлар ҳажмларини тасдиқлайди.</p>	
<h4>II. Давлат субсидияси тақсимлаш ва ажратиш</h4>	
<p>Ўзбекистон Республикаси Олий Мажлиси ҳузуридаги Жамоат фонди давлат субсидияларини тақсимлаш бўйича Парламент комиссиясига таклифлар тақдим этади (Ўзбекистон Республикаси Молия вазирлигидан тасдиқланган кўрсаткичлар тўғрисида хабарнома олинганидан кейин 10 иш куни ичида)</p>	
<p>Парламент комиссияси давлат субсидиялари маблағлари ҳажмини ташкилотлар кесимида тасдиқлайди.</p>	
<p>Ўзбекистон Республикаси Олий Мажлиси ҳузуридаги Жамоат фонди давлат субсидиясини олган ташкилотлар рўйхатини, уларга ажратилган маблағларнинг миқдорларини оммавий ахборот воситаларида ёки фонд веб-сайтларида эълон қилади.</p>	
<p>Ўзбекистон Республикаси Олий Мажлиси ҳузуридаги Жамоат фонди Парламент комиссияси қарорлари асосида давлат субсидияларининг тасдиқланган график муддатларида (траншлар) орқали молиялаштиради.</p>	
<p>Давлат субсидиясини олувчилар чораклик, ярим йиллик, йиллик-яқуний таҳлилий ва молиявий ҳисоботларни Ўзбекистон Республикаси Олий Мажлиси ҳузуридаги Жамоат фондига топширади.</p>	

Ҳисоботларда камчиликлар аниқланса, аниқланган камчиликлар бартараф этилгандан кейин навбатдаги молиялаштириш траншлари очилади.

Давлат субсидиясини амалга ошириш Низомда белгиланган тартибда тегишли мониторинглар ўтказиб бўлингандан кейин яқунланган деб ҳисобланади ва белгиланган тартибда давлат архивига топширилади.

Ўзбекистон Республикаси Олий Мажлиси ҳузуридаги Жамоат фонди давлат субсидияси фуқаролик жамияти институтларининг мазкур Низом талабларига риоя қилмаслик ҳолатларига ёки молиявий тартибсизликларга йўл қуйганда молиялаштириш тўхтатиб қуйилади.

“Давлат субсидияси ажратишнинг тартиби ва шартлари тўғрисида”ги Низомга 2-илова

Ўзбекистон Республикаси
Молия вазирлиги бошқарма бошлиғи

(исми шарифи)

Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш Жамоат фондининг 20 йил учун даромад ва харажатлар сметаси (млн. сўмда)

№	Даромад ва харажатлар номлари	20__йилд а жами	чораклар			
			I	II	III	IV
	Йил бошига қолдиқ					
ДАРОМАДЛАР						
	Жами даромадлар					
1	Давлат бюджетидан					
ХАРАЖАТЛАР						
	Жами харажатлар					
1	Давлат субсидиялари					
2	Ижтимоий буюртмалар					
3	Давлат грантлари					
	Йил якунига қолдиқ					

Ўзбекистон Республикаси Олий Мажлиси
ҳузуридаги Жамоат фонди директори

Жамоат фонди бош ҳисобчиси

“Давлат субсидияси
ажратишнинг тартиби ва шартлари
тўғрисида”ги Низомга 3-илова

(аризачининг логотипи бўлиши мумкин)

ДАВЛАТ СУБСИДИЯСИ АЖРАТИШ УЧУН

НИНГ

(нодавлат нотижорат ташкилоти, оммавий ахборот воситаси ва фуқаролик жамияти бошқа институтининг номи) **АРИЗА**

(ТАЛАБНОМАСИ)СИ

1. ТИТУЛ ВАРОҒИ

1.1. Ариза тақдим этган ташкилотнинг уставидаги номи <i>(Давлат рўйхатида ўтказилган Устав ва рўйхатга олинганлиги тўғрисидаги гувоҳноманинг кўчирма нусхаси илова қилинади) (Оммавий ахборот воситалари рўйхатдан ўтганлиги тўғрисидаги гувоҳноманинг кўчирма нусхасини илова қилинг)</i>	
1.2. Талабгор тўғрисида тўлиқ маълумот <i>(талабгорнинг юридик ва ҳақиқий манзили, телефон, факс, сайт манзили)</i>	
<i>Юридик манзили</i>	
<i>Ҳақиқий манзили</i>	
<i>Телефон</i>	
<i>факс</i>	
<i>Веб-сайт манзили</i>	
1.3. Ташкилот раҳбарининг Ф.И.Ш. ва лавозими ва алоқа боғланиш маълумотлари <i>(манзили, электрон почта e-mail манзили, телефон коди албатта кўрсатилиши лозим);</i>	
1.4. Ташкилот бухгалтерининг Ф.И.Ш. алоқа боғланиш маълумотлари <i>(манзили, электрон почта e-mail манзили, телефон коди албатта кўрсатилиши лозим);</i>	
1.5. Ташкилотнинг тасдиқланган штат жадвалидаги лавозимларининг умумий сони <i>(охирги тасдиқланган штат жадвали илова қилинади)</i>	
1.6. Сўралаётган умумий маблағ миқдори (сўмда), шу жумладан: маъмурий харажатларнинг умумий сўммаси, устав фаолияти ва иш режаси доирасида тадбирларга ажратилган харажатларнинг умумий сўммаси, моддий-техник базасини мустаҳкамлаш харажатларнинг умумий сўммаси, бошқа харажатлар	
Сўралаётган умумий маблағ миқдори (сўмда), шу жумладан:	
<i>Маъмурий харажатлар (депонларни сақлаш харажатлари – ойлик иш ҳақи ва унга тенглаштирилган тўловлар, коммунал харажатлар, хизмат транспортларини сарфлаш харажатлари)</i>	
<i>Устав фаолияти ва иш режаси доирасида тадбирлар харажатлари</i>	
<i>Моддий-техник базани мустаҳкамлаш харажатлари (сотиб олинган моддий техник база харажатлар)</i>	
<i>Бошқа кўзда тутилмаган харажатлар</i>	
1.7. Жалб қилинадиган маблағларнинг жами миқдори (сўмда), шу жумладан: аъзолик бадаллари миқдори, таъсисчилар маблағлари, ҳомийлик маблағлари, тадбиркорликдан ва бошқа манбалардан тушумлар	
Жалб қилинадиган маблағларнинг жами	

миқдори (сўмда)			
Аъзолик бадаллари миқдори			
Таъсисчилар маблағлари			
Ҳомийлик маблағлари			
Фаолиятнинг бошқа манбалардан тушумлар			
1.8. Ташкилот фаолиятининг ўтган йилдаги асосий натижа кўрсаткичлари, ютуқлари (бир бетдан ошмаслиги керак)			
2. СУБСИДИЯ СЎРАЛАЁТГАН ФАОЛИЯТНИНГ ҚИСҚАЧА ТАСНИФИ			
2.1. Субсидия ажратиш зарурлигини асослаш: ташкилот фаолиятининг асосий вазифалари, мақсадлари <i>(бир бетдан ошмаслиги керак)</i>			
2.2. Ташкилот фаолиятининг кейинги молия йилида режалаштирилаётган кўрсаткичлари <i>(кўпи билан 1,5 бетдан ошмаслиги керак)</i>			
2.3. Давлат субсидиясини амалга оширишдан кутилаётган ижтимоий фойдали мақсадлар, моддий-техник базанинг мустаҳкамланиши натижаларининг башорати, эришиладиган ижтимоий самаранинг миқдорий ва сифатий кўрсаткичлари ҳамда ижобий таъсири) <i>(кўпи билан 1,5 бетдан ошмаслиги керак)</i>			
3. Ташкилотнинг охириги йил умумий бюджети, шу жумладан молиялаштиришнинг мавжуд жалб этиладиган манбалари ҳисобидан (сўм)			
№	Молиялаштириш ва моддий кўмаклашиш моддалари	Давлат субсидияси	Жалб қилинган
	Жами маъмурий харажатлар, шу жумладан:		
	Ойлик иш ҳақи		
	Ижтимоий тўловлар		
	Хизмат сафари харажатлари		
	ижара, коммунал хизматлар тўлови,		
	девонхона харажатлари		
	Моддий-техник базани мустаҳкамлаш учун харажатлар (хизмат машиналари, мебель ва АКТ сотиб олиш, сақлаш харажатлари)		
	Тадбирлар ўтказиш учун харажатлар <i>(ўқув ишлаб чиқариш, тарғибот материалларни кўпайтириш ёки нашр қилиш)</i>		
	Операцияга оид харажатлар (банк харажатлари)		
	Бошқа кўзда тутилмаган харажатлар		
	Жами харажатлар		
<i>Йил охирига қолдиқ:</i>			

4. КАЛЕНДАРЬ РЕЖА		
№	Давлат субсидиясини ўзлаштириш учун амалга ошириш мўлжалланган тадбирлар	Вақт муддати
1.		
2.		
3.		
4.		
5.		
6.		
7.		
5. АРИЗАЧИНИНГ РЕЗЮМЕСИ (ташкилот ҳақида қўшимча маълумот)		
1.	Ташкилотнинг уставга мувофиқ тўлик номи (ўзб, рус тилида).	
2.	Ташкилотнинг юқори бошқарув органи	
3.	Ташкилотнинг асосий устав фаолияти.	
4.	Ташкилотнинг асосий устав мақсадлари ва вазифалари	
5.	Давлат рўйхатига олинганлиги ҳақида маълумот (<i>гувоҳноманинг кўчирма нусхасини илова қилинг.</i>)	
6.	ОАВ сифатида рўйхатда турганлиги тўғрисида маълумот (<i>Ўзбекистон Матбуот ва ахборот агентлигидан рўйхатдан ўтганлиги тўғрисидаги гувоҳноманинг кўчирма нусхасини илова қилинг.</i>)	
7.	Лойиҳани амалга оширишдаги ижтимоий шериклар	
8.	Банк реквизитлари: ҳисоб рақами №, банк бўлими, МФО, ИНН, ОКОНХ, банк манзили ва телефон рақами. (<i>тасдиқловчи ҳужжатларнинг кўчирма нусхасини илова қилинг.</i>)	
9.	Амалга оширилган лойиҳалар.	
6. ЎЗ-ЎЗИНИ НАЗОРАТ ҚИЛИШ ВА ЎЗ-ЎЗИГА БАҲО БЕРИШ (ЎЗ-ЎЗИНИ АУДИТ)		
1.	Лойиҳани амалга оширгунига қадар баҳолаш	
2.	Лойиҳа қўйилган мақсадга эриша оладими	
3.	Лойиҳанинг самарали ва харажатларнинг асосли эканлигини исботланг	
7. ЛОЙИХАНИНГ ЯКУНИЙ ҚИСМИ		
Сана		
Ариза берган ташкилот раҳбарининг имзоси		
Ташкилот муҳри		

**Давлат субсидиясини амалга ошириш бўйича
() чораклик, ярим йиллик, йиллик-якуний
таҳлилий ва молиявий ҳисобот шакли**

1.	Ташкилот номи	
2.	Шартнома рақами	
3.	Давлат томонидан қўллаб-қувватлаш шакли	
4.	Ажратилган маблағ миқдори (сўмда)	
5.	Ҳисобот даври	
I. Лойиҳани амалга ошириш натижалари		
6.	Давлат субсидияси доирасида ишлаб чиқилган тайёрланган материаллар (номоддий интеллектуал мулк) ва уларни реализация қилиниши	
7.	Ўтказилган тадбирлар сони ва улардан кўзланган мақсад ҳамда вазифалар (<i>тадбирларнинг тури: давра суҳбатлари, семинарлар, учрашувлар, мусобақалар, форумлар, ақлий ҳужум ва бошқалар ҳар бири алоҳида</i>)	
8.	Моддий техник базани мустаҳкамлаш амалга оширилган ишлар	
9.	Амалга оширишда юзага келган муаммолар	
10.	Ташкилотнинг молиявий барқарорлиги	
11.	Сизнинг таклифларингиз	

II. Давлат субсидияси маблағлари харажатлари				
№	Лойиҳа бюджети харажатлари бандларининг номи	Фонддан олинган маблағ	Жалб қилинган маблағлар	<i>Жами харажатлар</i>
<i>I. Маъмурий харажатлар</i>				
<i>II. Тадбирлар ўтказиш учун харажатлар</i>				
<i>III. Моддий-техник базани мустаҳкамлаш учун харажатлар</i>				
<i>IV. Бошқа кўзда тутилмаган харажатлар</i>				

	Жами:			
	Йил (чорак, ярим йил) якунида ишлатилмай қолган маблағ миқдори (сўмда)			

Ташкилот раҳбари:

Тошкилот бош ҳисобчиси:

Ташкилот муҳри:

Изоҳ: Давлат субсидияси якунланиш муддатидан кейин ишлатилмай қолган маблағ 30 кун муддатда Ўзбекистон Республикаси Олий Мажлиси ҳузуридаги Жамоат фондининг № 20212000504729463001 ҳисоб рақамига қайтарилади.